



# ТООЛЛОГЫН АППЛИКЭЙШН ХЭРЭГЛЭГЧИЙН ГАРЫН АВЛАГА





Хэрэглэгч та өөрийн гар утасны Appstore, эсвэл PlayStore-оос **Odoo Inventory** аппликэйшнийг татаж, гар утсандаа суулгана

Компаниас урьдчилан үүсгэсэн бүртгэлийн дагуу нэвтэрч орно. Компанийн нэр, ажлын имэйл хаягийг зөв бичиж оруулахыг анхаарна уу.




# 1. Үндсэн хуудас




Нэвтрэн орсоны дараа үндсэн хуудасны зүүн талын  эвхэгддэг хуудас дээр дарж аппликэйшний заавар бичлэг болон гарын авлага үзэх боломжтой.

Эвхэгддэг хуудасны толгой хэсэгт нэвтэрсэн хэрэглэгчийн нэр болон компани харагдаж байна. Аппликэйшн дээр тоолсон тооллогоо дуусгах эрхтэй бол manager гэсэн пайз гарч ирнэ. Manager эрх нь эрхлэгч/нягтлан бодогч эсвэл тооллого батлах эрх бүхий этгээдэд байна.






# 1. Үндсэн хуудас




Үндсэн хуудас дараах байдлаар харагдах бөгөөд хэрэглэгч өөрийн агуулах дээрх ноорог тооллого, явагдаж байгаа тооллого мөн цуцлагдсан болон дууссан тооллогын мэдээллийг дээрх табуудаас тус тусад нь төлвөөр нь ялган харж болно.

Салбарын хуудас дээр дарахад хэрэглэгчид зөвшөөрөгдсөн бүх агуулахууд харагдана. Сансар колонк агуулах дээр дарж тооллогын мэдээллийг нь харах боломжтойгоос гадна, шинээр тооллого үүсгэх эсвэл эхэлсэн тооллогыг үргэлжлүүлэх боломжтой.

Голд байрлах нэмэх товчин дээр дарснаар шинээр тооллогын бүртгэл үүсгэнэ.





- Ноорог төлөвтэй тооллого нь ИРП дээр мөн адил ноорог төлөвтэй байна.
- Ноорог төлөвтэй тооллогыг апп дээрээс устгах боломжтой. Тооллогын нэр дээр удаан дарахад устгах товч гарч ирнэ. Устгасан тохиолдолд зөвхөн апп дээрээс устгагдах бөгөөд ИРП дээр ноорог хэвээрээ үлдэнэ.
- Эхэлсэн төлөвтэй тооллого нь ИРП дээр явагдаж буй төлөвтэй байна. Тоолохоор төлөвлөсөн барааны жагсаалтыг ИРП-д харуулна. Ингэхдээ тоолсон тоо хэмжээ нь ИРП-д татагдаагүй байна.
- Эхэлсэн төлөвтэй тооллогыг апп дээр цуцлах боломжтой. Тооллогын нэр дээр удаан дарахад цуцлах товч гарч ирнэ. Апп дээр цуцлагдсан тохиолдолд ИРП дээрх тооллогын төлөв ноорог болно.
- Апп дээрээс үүссэн эхэлсэн тооллогыг ИРП дээрээс түрүүлж батлах эсвэл цуцалж болохгүй. Апп дээр дуусгах эсвэл цуцалсан үед ИРП дээрх тооллогын төлвийг өөрчилж болно. Нэг агуулах дээр нэгээс илүү эхэлсэн тооллого байж болохгүй. Шинээр тооллого эхлүүлэх бол өмнөх тооллогыг дуусгах эсвэл цуцлах.
- Дууссан төлөвтэй тооллогыг апп дээр засах боломжгүй. Зөвхөн тоолсон барааны мэдээллийг шалгах боломжтой. Дууссан төлөвтэй тооллогын барааны тоо хэмжээний мэдээлэл ИРП-д илгээгдсэн байна.
- Шаардлагатай гэж үзвэл тооллого батлах эрхтэй ажилтан тооллогыг ИРП дээрээс нэмж засварлаж болно. ИРП-д тооллого батласны дараа агуулахын үлдэгдэл өөрчлөгдөнө.

Та "Улаан баримт засах" тооллогыг устгахдаа итгэлтэй байна уу?

Үгүй

Тийм



Та "Сарын эцсийн тооллого" тооллогыг цуцалсан төлөв рүү оруулахдаа итгэлтэй байна уу?

Үгүй

Тийм



## 2. Шинээр тооллого үүсгэх

← Тооллого үүсгэх

Тооллогын нэр

Тооллогын нэр...

Агуулах

Сонгох

Байрлал

Сонгох

Санхүүгийн огноо

Сонгох

Тооллогын төрөл

Сонгох

Үргэлжлүүлэх

Тооллогын нэр үүсгэж, тооллого хийх гэж буй агуулах болон байршлийг сонгож өгнө. Мөн тооллого хийж буй санхүүгийн огноог тохируулаарай.

Огноо сонгох

12-р сарын 1...

2024 оны арван хоёр...

Ня	Да	Мя	Лх	Пү	Ба	Бя
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

Цуцлах ОК


Тооллогын төрөл

Сарын эцсийн тооллого

Бусад тооллого

Тооллогын төрөл нь 2 төрөлтэй байх бөгөөд:

- **Сарын эцсийн** тооллогоор агуулахад байгаа үлдэгдэлтэй бүх барааг
- **Бусад** тооллогоор явцын тооллого хийж болно. Үүнд: Тодорхой үйлдвэрлэгч, нийлүүлэгч болон барааны ангиллаар, ПОС ангиллаар шүүлтүүрдэж тооллогоо үүсгэх боломжтой.



← Тооллого үүсгэх

Тооллогын нэр

МФТ-н барааны үлдэгдэл шалгах

Агуулах

✓ Монос Сансар колонк ×

Байрлал

✓ СнКл/Нөөц ×

Санхүүгийн огноо

✓ 2025-07-17 ×

Тооллогын төрөл

✓ Бусад тооллого ×


Үргэлжлүүлэх

### Бусад буюу явцын тооллогыг хэрхэн хийх вэ?

Монос Сансар колонк салбарт МФТ-н барааны үлдэгдэл шалгах явцын тооллого хийцгээе.

Явцын буюу бусад тооллогын үед: Барааны ангилал, үйлдвэрлэгч, нийлүүлэгч болон ПОС ангиллаар шүүлтүүрдэж өөрт хэрэгтэй барааны жагсаалтыг үүсгэх боломжтой. Цөөн бараа тоолох гэж байгаа бол Бараа шүүлтүүрээс хайж сонгоно. Нэг барааг ч сонгож тоолох боломжтой.

Бидэнд МФТ-с ирсэн бүх барааны мэдээлэл хэрэгтэй тул бараа бүрээр хайлгүйгээр нийлүүлэгч таб дээр дарж Моносфарм Трейд ХХК-г сонгоё.



← Бүтээгдэхүүн сонгох

Нийлүүлэгч ПОС ангилал **Бараа**

Хайх


Бүх барааг идэвхжүүлэх

MOIL - Уруулын будаг улаан дарс	(29.00)	<input checked="" type="checkbox"/>
MOIL - Уруулын будаг усан үзэм	(22.00)	<input checked="" type="checkbox"/>
MOIL - Уруулын тэжээл кокостой	(19.00)	<input checked="" type="checkbox"/>
MOIL - Уруулын тэжээл чацарганатай	(35.00)	<input checked="" type="checkbox"/>
MOIL - Туслах - Гоо сайхны алчуур	(10.00)	<input checked="" type="checkbox"/>
MOIL - Туслах - Модон сойз	(37.00)	<input checked="" type="checkbox"/>
MOIL - Туслах - Модон сам	(36.00)	<input checked="" type="checkbox"/>

Сонгогдсон 0 Үргэлжлүүлэх



## 2.1 Бусад тооллого хийх



Монос Сансар колонк туршилтын агуулах дээр МФТ-н нийт 832 мөр бараа үлдэгдэлтэй байгаа ба чекийг нь идэвжүүлээд үргэлжлүүлэх дарна. Ингэснээр бид тооллогоо эхлэх бөгөөд 832 нэр төрлийн тоолох барааны жагсаалттай болж байгаа юм.

Тооны машины зурган дээр дарж 1ш-р тоологддог хэрнээ савлагаандаа олон ширхэгтэй, задгайгаар олгогддог бүтээгдэхүүнийг тооцоолох боломжтой.

Үлдэгдэл тооцоолох


Савалгааны тоо ширхэг

28

Гар дээрх тоо ширхэг


18

0.643





## 2.1 Бусад тооллого хийх




Уг баганад агуулах дээрх үлдэгдэл тоо хэмжээг харуулна

Энд тоолсон буюу бодитоор гарт байгаа тоог оруулна. /Оронгийн нарийвчлал цэгээс хойш 4 оронтой байна/


Тоолж дууссан гэж үзвэл мөрийн хойно байгаа чекийг идэвжүүлнэ. Ингэснээр тоолсон тоо хэмжээ хадгалагдах ба барааны жагсаалтын доор орно. Энэ нь тоолоогүй барааг илэрцийн эхэнд сануулах давуу талтай юм.

Барааны хөтлөлт цувралаар үед бараан дээр дарахад үлдэгдэлтэй цувралын тоон мэдээллийг харуулна. **Протектис 5мл** бараа нь туршилтын агуулахад нэг л цуврал дээр үлдэгдэлтэй байгааг харуулж байна.

Зураг хэсэгт бодит барааны зураг харагдах болно.



## 2.1.1 Цувралын дугаар үүсгэх/засах:



Цувралын дугаар товчин дээр дарж цувралын мэдээллийг харах ба цувралын хуудас нээгдэхэд тоо хэмжээг оруулаад хадгална. Цувралын дугаар нь дуусах, анхааруулах болон хориглох огноотой байх ёстойг анхаарна уу.




Хэрвээ дуусах, анхааруулах, хориглох огноогүй цуврал дээр тооллого хийсэн бол хадгалах товч ажиллахгүй тул огноог зайлшгүй бүрэн бөглөх шаардлагатай.

The screenshot shows a form titled 'цувралын дугаар засварлах' (Edit Trip Number). It contains the following fields:

- Цувралын дугаар: 23DB262
- Дуусах огноо: 2025 / 10 / 1
- Анхааруулах огноо: 2024 / 12 / 18
- Хориглох огноо: 2024 / 12 / 18

At the bottom, there is a green button labeled 'Хадгалах' (Save).



## 2.1.1 Цувралын дугаар үүсгэх/засах:

Цувралын дугаар нэмэх

Шинээр үүсгэх Сонгох

Цувралын нэр

Дуусах огноо: 2024 / 12 / 18

Анхааруулах огноо: 2024 / 12 / 18

Хориглох огноо: 2024 / 12 / 18

Үүсгэх

Илэрцэд гарч ирсэн цувралаас өөр цуврал дээр тооллого хийсэн бол цувралын дугаар нэмэх дээр дарж шинэ цуврал үүсгэх болон бараанд бүртгэлтэй цувралуудаас сонгоод тоо хэмжээ оруулах боломжтой.

Цувралын дугаар нэмэх

Шинээр үүсгэх Сонгох

Цувралын нэр сонгох

XX9090

Үүсгэх

Барааны цуврал бүрээр тоолсон тоог зөв оруулаад хадгалах дарна уу.


Цувралын дугаар

Цувралын дугаар 23DB262	3.0	2	
Цувралын дугаар 2025/12/18	0.0	1	

Цувралын дугаар нэмэх >

Хадгалах

## 2.1.2 Цуврал дээр тэмдэглэл оруулах:



Апп дээрх тооллогоо дуусгаагүй үед цуврал дээр дахин дарж тэмдэглэлээ засах боломжтой. Апп дээрх тооллогоо дуусгасан бол ИРП дээр батлахаасаа өмнө тэмдэглэлийг засах боломжтой.

Агуулах					
Тойм Гүйлгээнүүд Мастер Өгөгдөл Автомат захиалга Тайлан Тохиргоо					
Тооллогын бүртгэл / Явцын тооллого / Тооллогын мөрүүд					
ТООЛЛОГЫГ БАТЛАХ ҮҮСГЭХ ИМПОРТЛОХ					
<input type="checkbox"/>	Бараа	Цувралын Дугаар	Гарт байгаа	Тоолсон	Note
<input type="checkbox"/>	[0528748] Avene Cleanance тослог т	20230630.0 (2026-01-17)	14.0000	14.0000	Хайрцаггүй, задгай
<input type="checkbox"/>	[0528748] Avene Cleanance тослог т	default (2026-01-17)	22.0000	0.0000	

Агуулахын Тооллогын Баримт

Төрөл Бүх бараа

Үйлдвэрлэгчээр бүлэглэх ☐

Баглаа харах ☐


Тайлбар харах ☐

БАРИМТ ХЭВЛЭХ ХААХ

ИРП дээрх тооллогоо батласны дараа оруулсан тэмдэглэлээ тооллогын тайланд харах боломжтой. Ингэхийн тул тооллогын баримт хэвлэхдээ тайлбар чекийг чеклэн баримтаа хэвлээрэй.



## 2.1 Бусад тооллого хийх /Үргэлжлэл/




Тооллогоор МФТ-н нийт 832 бараа тоолсон бөгөөд:


- **Дутсан:** Улаан өнгөөр
- **Илүү:** Шар өнгөөр
- **Таарсан:** Ногоон өнгөөр тус тус харагдаж байна.

Барааны жагсаалтаас өнгөөр ялган танихаас гадна, дээд хэсэгт буй дутсан, илүү, таарсан табаас тус бүрээр нь багцалж харах болон засах боломжтой.

Баруун дээд булан дээрх сум дээр дарахад дараах цонх нээгдэнэ. 832 бараанаас 832-г тоолсон тул тооллогын явц 100% давхар тооллого үүсээгүй 0 гэж харагдаж байна.

Тооллогыг дуусгахыг хүсвэл давхардсан тооллогыг үргэлжлүүлэх товч дээр дарна уу.






Уг тооллогод 1 байрлал дээрх 832 барааг 1 ажилтан тоолсон тул одоогоор давхар тооллого үүсээгүй байна. Бодит байдал дээр 1 агуулах дээр олон физик байрлал байж болох ба олон ажилтан зэрэг 1 барааг олон байрлалд тоолох боломжтой. Энэ тухай бид удахгүй үзэх болно. Харин одоогийн тооллогоо дуусгах товч дээр дарж апп дээр дуусгах боломжтой. Хэрэв танд **Дуусгах** товч харагдахгүй байвал эрх хүрэхгүй байна гэсэн үг бөгөөд салбарын эрхлэгчдээ хандана уу.

АПП дээрээс тооллогыг дуусгаснаар ИРП-д тоолсон барааны мэдээлэл илгээгдэнэ. Ингэхдээ ИРП дээрх тооллого явагдаж байгаа төлөвтэй хэвээрээ байна. ИРП дээрх тооллогыг нягтлан бодогч эсвэл тооллого батлах эрх бүхий ажилтан хянаж баталснаар агуулахын үлдэгдэлд өөрчлөлт орно. АПП дээрээс дуусгаагүй тооллогыг ИРП дээрээс түрүүлж дуусгаж эсвэл цуцалж болохгүй тул эхлээд АПП дээрх тооллогыг дуусгах эсвэл цуцална уу.



### 3. Сарын эцсийн тооллого хийх



### Сарын эцсийн тооллогыг хэрхэн хийх вэ?

Сарын эцсийн тооллогын үед: Сонгосон агуулахын хувьд үлдэгдэлтэй бүх үлдэгдэлтэй барааг илэрцэд жагсаалт хэлбэрээр харуулна. Монос Сансар колонк туршилтын агуулах дээр сарын эцсийн тооллого хийцгээе.

Зурган дээр дарж барааг баркод буюу зураасан кодоор хайна. Камер дээр анх дарах үед доорх асуулт гарах бөгөөд "Allow" дарж камер ашиглах зөвшөөрөл өгнө. Уг камерыг дурын байрлалдаа зөөж ашиглах боломжтой.



Нэр/Дотоод код	Тооллого	Статус
Биомон perfume-тэй гарын тос Marry me 0513968	15.0 0	✓
Биомон perfume-тэй гарын тос Unique kiss 0513969	22.0 0	✓
Биомон гарын тос 75мл /шинэ/ 0515214	47.0 0	✓
Биомон хонины сүүлтэй гарын тос 50г 0516205	37.0 0	✓
Санитас гар ариутгагч гель 1000 мл 0510906	14.0 0	✓
Санитас гар ариутгагч гель 250 мл - 2016 0510905	14.0 0	✓
Санитас гар ариутгагч гель 600 мл - 2016 0510904	42.0 0	✓


### 3. Сарын эцсийн тооллого хийх



→ Барааны баркодыг амжилттай уншсан тохиолдолд тухайн барааны мэдээллийг харуулах үндсэн хуудасруу шилжинэ.


Уншуулсан баркод маань ЭКОС - Зөөлөн ус 500мл барааных байна. Тооллого хийж буй агуулах дээр уг бараа 3 цувралын дугаар дээр үлдэгдэлтэй байгаа бөгөөд бодит тоо ширхэгийг цувралын дугаар дээр дарж тус бүрд нь зөв тоогоор оруулна. Эсвэл өмнө үзсэнчлэн шинэ цуврал үүсгэх болон байгаа боломжит цувралуудаас сонгож тоо хэмжээг оруулах боломжтой.

! Санамж: Агуулахад үлдэгдэлгүй буюу тооллогын жагсаалтад байхгүй барааг баркод уншигчаар хайх боломжгүй. Баркод уншигчаар явагдаж байгаа тооллогын жагсаалтад ороогүй барааны илэрц гарч ирэхгүй гэдгийг анхаараарай.





### 3. Сарын эцсийн тооллого хийх




Барааны тоолсон тоо хэмжээг оруулаад тоолж дууссан гэж үзвэл тооллогын явц шалгах цонхийг нээнэ.


Нийт 3910 нэр төрлийн бараа тоолох байснаас 45-г буюу нийт тооллогын 1.15%-г тоолсон байна. Явцын мэдээллийг илүү дэлгэрэнгүй харах бол улаанаар хүрээлсэн талбар болох тооллогын явц дээрээ товшино.

#### Тооллогын явц дээр дарахад:


- Тооллогын явц буюу нийт тоолсон барааны жагсаалт
  - Нийт тоолоогүй барааны жагсаалт
  - Тоо нь зөрсөн /илүүдсэн, дутсан/ нийт барааны жагсаалтыг харах боломжтой.
- /Хуудас солихын тулд хажуу тийшээ гүйлгэж харна/




### 3. Сарын эцсийн тооллого хийх




Хуудсыг солихын тулд Swipe хийх



Хуудсыг солихын тулд Swipe хийх




### 3. Сарын эцсийн тооллого хийх




Давхардсан бараа 2 гэдэг нь уг тооллого дээр 2 барааг өөр өөр ажилтан зэрэг тоолсон байна гэсэн үг юм. Нэгтгэх товч дээр дарж дэлгэрэнгүй харах боломжтой.

Тухайлбал [0518691] MOIL – Ванны давс гаатай жижиг барааны агуулах дээрх үлдэгдэл 36.5 байсан бөгөөд уг тооллогоор 3 ажилтан тус тусын байрлалд тоолж нийт тоолсон тоо хэмжээ 52.5 болсонг харуулж байна. Ажилтан бүр аль сери дээр тоолсонг шалгахыг хүсвэл мөр дээр товшино уу.



### 3. Сарын эцсийн тооллого хийх



Энгийн ажилтнуудад дуусгах товч харагдахгүй тул эрхлэгч/НЯБО эсвэл эрх бүхий этгээдэд хандана уу.

Дуусгах товч дарахад бидний тоолох ёстой байсан 3910 нэр төрлийн барааны тоологдох ёстой байсан үлдэгдэл 191980.84ш байсан гэдгийг мөн тоолсон 45 нэр төрлийн барааний 2028.66ш үлдэгдлийг тоолсон гэдэг тоон мэдээг харуулж байна.

Тоолсон тоо хэмжээ буруу гэж үзвэл буцах товч дээр даран тооллогыг үргэлжлүүлнэ. Харин зөв тоолсон гэж үзвэл дуусгах товч дарна. Тийм дээр дарвал тооллого маань дууссан төлөвтэй болох ба засах боломжгүй болж ИРП-руу тоолсон тооны мэдээлэл илгээгдэнэ.


Нийт тоо ширхэг : 191980.8405

Тоолсон тоо ширхэг : 2028.666

Та тооллогыг дуусгахдаа итгэлтэй байна уу?

Үгүй

Тийм





- Аппликэйшн дээр шинээр хэрэглэгч үүсгэх мөн нууц үг солиулах хүсэлтийг [odoo@coremind.mn](mailto:odoo@coremind.mn) хаягаар явуулна. /Хүний нөөцийн менежер болон шууд удирдлагаа имэйлийн СС-д оруулах/
- Эрх үүсгэх хүсэлт илгээхдээ дараах загварын дагуу мэдээллээ бөглөн явуулаарай.

username	email	name	password	phone number	company	inventory	Тооллого апп- н менежер эсэх
nominerdene.t	nominerdene.t@coremind.mn	Номин-Эрдэнэ	*****	99999999	Марал тун ХХК	Монос - Нефть ФМ	manager

- Ажлаас гарсан ажилтнуудын аппликэйшн дээрх бүртгэлийг хаалгах бол [odoo@coremind.mn](mailto:odoo@coremind.mn) хаягаар хүсэлт явуулж эрх хаалгана.
- Нэг хэрэглэгчийн хувьд нэг компанийн хэдэн ч агуулахын эрхтэй байх боломжтой. Харин хэрэглэгчид нэгээс олон компанийн эрх өгөх боломжгүй тул компани солиулахын тулд хүсэлт илгээж солиулах шаардлагатай. Агуулах нэмүүлэх/хасуулах эсвэл компани солиулах гэх мэт аливаа хүсэлтийг [odoo@coremind.mn](mailto:odoo@coremind.mn) хаягаар явуулна уу.

# АНХААРАЛ ХАНДУУЛСАНД БАЯРЛАЛАА